

مشاورت

مطبعه و محل اداره :

جهه ال اوغوشده امنیت
مندوغی سوارنده
شنگول بفوشنده
۲۲ نومبر

مسلك. زده و افق آثار
جدیدہ مع الممتونہ
قبول اولنور

درج ایدله یین آثار اعاده اولناز

دیر ، فلسفه ، علوم ، حقوق ، ادبیات تاریخ ، و سیاسیانده و بالخاصه احوال دشتورده اسلامیه دیر بحث ایمرده هفته ده بر نشر اولنور.

آبونه بدلی

صاحب و مؤسسی :

ابوالعلا زین العابدین - ح . اشرف ادیب
تاریخ تأسیسی

درسمادنده نسخهمی ۵۰ یاره در

قبیله دن مقوا بورو ایله کوندر لایسه سنوی
۲۰ عروش فضله آلدی

سوله کی	التی آیلانی	غروش
ممالک عثمانیه ایچون	۶۵	۳۵
روسیه	۶۰۰	۳۰۰
سائر ممالک اجنبیه	۱۷	۹
		فراقی

۱۰ تموز ۳۲۴

عدد : ۱۷۶

۲۸ محرم الشریفه ۱۳۳۰ پنجشنبه ۵ کانون ثانی ۱۳۲۷

بدنجی جلد

روس بایراغی

اوت روس بایراغی !

شانلی ماضیمزك مزار نسیانه كومولن مناقب ظفردن بوكون ایچون
آنحق سونوك، اولكون بر خاطره اوله رق یاشار [بالطه جی] اردوسنك
[په روت] بطاقلقلى ایچنه باطیروب ینه دنیا یوزینه چیقاردینی روس
بایراغی !

قریم خانلریك سرای خرابه لری اوزرنده باقوشلر کبی توره ین،
قافقاسك قانلی ذروهلرنده، بعضاً کچید یوللریك طولامبا جلی درینلک لرنده
یوکسه لن روس بایراغی !

طونه وادیلرینی، بالقان بوغازلرینی، چبالجه استحکاملرینی چیکنه یهرك
اوتوز دوت سنه اول آیستافانوس اوکلرینه قدر سوردیکی اردوسنك
رهبر مشی و هجومی اولان او روس بایراغی ایشته بوكون زواللی (ایران)
ك سر مقتدر آتنده دیکلمش طور یور :

پترسبورغ ۳۰ کانون اول -- تبریز روس بایراغی چکامشدر . «
شو تلغرافنامه : (بوكون ایران، یارین بزه) دیمك اولان بر آجی
حقیقی بتون چپلاقلنی ، بتون وحشتیه اعلان ایدیور .

وطنداشلر بونه آجی بر حقیقتدر ! بزدن ، عثمانلی حکومتدن
غیری دنیا یوزنده بر حیات قالدیلن زواللی ایرانك مصیبت زده سینه سی
قازاق آتلیریك آیقلری آلتنده چیکنه نیور ، علی الاکثر تورکلرله
مسکون اولان (آذربایجان) ، (تبریز) ، (آنزلی) کبی حوالیسی ده
روس طویلریك طراقه سی آلتنده ایکه یور .

بو بد بخت مملکت باشند باشه دشمن پای استیلاسه فرش ایدلمش
کیمسه سز ، یتیم بر ناصیه مغدوره شکلی کوستریور . بر باکره معصومه
حسنی ویزیور . بوباك ناصیه یی کیرله تن : [غول احتراض] ، او بکر
عصمتی چاك ایدندن : [جهل و نفاق] در .

بر زمانلر اقطار جهانی شعله سطوت و عرفانیله مجلوب محاسنی
ایله ین قوجه بر مدنیت اسلامیه شو دقیقه ده بتون موجودیت ماده
و معنویه سیله سریر اقبالندن حفره زواله طوغرو یورلانیور .

بو مبنای عظیم حیاتك ولوله اندراس و انقراضی قولاقلمزده
اولسون بر اثر تیقظ و انتباه حاصل ایتلیدر .

یچاره ایران . . . بو هائله موت و سقوطك سکران اضطرابی بك
الیم و طاقت شکن بر ربه زمان ایله چکه جکدر .

بو زواللی خسته یی بر آنده اولدیره میه جکار . فقط هر کون حیاتندن
بر عضویت محسوسه یی قطع و نزع ایدرهك اوکا ، بوتاریخی ملته هجرانلر،
خجالتلر ، انتقاملر ، عذاب و اضطرابلر ایچنده بر کابوس جبر و تحقیر
یاشاده جتملدر، یارب ! بونه مقاومتسوز ، وجدان خراش بر حیات موت
انکیزدر .

ایرانك بو بد بخت اسلام دیارینك متکای بقا و استقراری اولان

اسباب مانعه یی [جهل و شقاق] ایله [عشق احتراض] دنیلن ایکی
عفریت بی امانك ظالم پنجه لری بلا مشکل قیردی ، محو ایله دی ...
بوایکی عامل غدارك تأثیرات مشئومه سی - ده اچن کون فرانسه
ایله آلمانیا آردسنده برات انقراضی امضا ایدلمش ایکن بیله - ییچاره
[فاس] سلطانلغتك ییپرامش اولان اعصابی اوزرندن بیله هنوز زائل
اوله مادیغی کورولیور . بو ایکی فاجره اجتماعیه دن الحذر ، وطنداشلرم،
الحذر ! ! !

فرانسز دفتر استملا کنه قید ایدیلن ، وبتون فرانسه قدر جسم
اولان بو قوجه اسلام دیارنده حالا انتباه حصوله کله مشدر .

دهادونه قدر [فاس] حاکمیت منقرضه سنك (برلین) قروازورینك
صیریتقان طوب اغزلریله تزییف ایدلدیکی پاکیزه ساحلرینه نکران
اولان وهرسانلری اوزرنده شو ساعتده بیله (قاردهش قانی ایچمك) ،
حرص و نفاق سائقه سیله وطنه مستولی اولان دشمنلری کوره مه مك اوزره
(بربرینك کوزینی اویمق ، همدینلرینی بوغازلامق ، اولدیرمك) فلاکتی حکمراندر .
فاس ده (فرانسز) ، طرابلس ده (ایتالیان) ، ایران ده ده (روس)
بایراغی طالع لنیور .

(لاتین و اسلاو) ملتلریك علامت هجوم و استیلا سی اولان بو
بایراقلردن ، اسلامیت عالمك آتی مقدرینی تسمیم ایده چك بر هوای
زهرین انتشار ایدیور .

کوزمرك اوکنده اولان بو مهالك ثابته دن غیری یارینك مشیمه
وقایعندن طوغه حق شیلردن بی خبرز . ای نفاق و شقاق ایچنده بوغولان
مسلمانلر ! انتباه ، انتباه ، اتحاد ، اتحاد ... !

سلانك - روم ایلی

ایتالیا محاربه سنی اونوتدق !

بك طبیعی بر شیدی ، مملکتك ، ملتك مقدراتی اللرینه تودیع
ایدیلن مجلس مبعوثان اعضالری محاربه ایدوب دورورکن وطنك برکوشه .
سنده کی ایتالیا حربنه کیم قولاق آصار ! حربك دهشتلیسی استانبولده ،
ملت مجلسنده باشلادی و دوام ایدیور ،

تهلکه نك بوقادار بو یوکی قارشینده ایتالیا حربی کبی اوافق تفکلیرینه
کیم اهمیت ویرد ! لکن ایتالیا نلرله برابر بزم اضمحلالمزی اومانلر ،
شوحالردن نه قدر ممنونلر !

مجلسنده کی بش اون منصب حریصی بوتون ایتالیا نك زرهیلارندن ،
اوردوسندن همده قات قات فضله ملت عثمانیه یی دوچار یأس ایتکده در .
عجبا بو وطن دوشمنلریك ایتالیا نلردن داها اشنع ، اولردن بیک کره
داها تهلکه لی اولدقلرینی ا کلامه یورمی یز ؛ بویله بش اون غرضکارك کیفی ،
احتراضی اوغرنده بو مملکتك باتوب کیتمه سنه کوزمی یوماجغز ؟

نیچون بولرك قولاقلمزده آتیور مکده حال تردد کوستربلیور .
مملکتده مقدسات نامنه نه قادار اساسلر وارسه هپسنه هجوم ایتدیلر ؛ ده
نه یایمق ایسته یورلر ؟ اسکی شهر - حقیقت